

Pelan urus generasi baru Felda

Kajian disediakan 17 pakar dengan kerjasama UPM

>>Oleh Yusliza Yakimir
Abd Talib

yusliza@hmetro.com.my

SERDANG: Satu perancangan lebih tersusun dalam usaha menguruskan generasi baru Felda yang kini sudah menjangkau 1.6 juta orang akan dilaksanakan melalui projek Model Pembangunan Generasi Baru Felda dengan kerjasama Universiti Putra Malaysia (UPM).

Projek membabitkan dana RM541,700 itu bertujuan menyediakan satu pelan induk dan pelan tindakan menyeluruh untuk membangunkan generasi baru Felda yang akan dibangunkan 17 pakar dalam bidang pendidikan, psikologi, sosiologi, ekonomi, pembangunan belia dan pendidikan lanjutan serta teknologi maklumat.

Pengerusi Felda, Tan Sri Mohd Isa Abd Samad berkata kajian yang dijangka me-

ngambil masa sembilan bulan itu akan menyediakan pelan induk yang mengandungi empat kerangka terdiri daripada aspek pendidikan Menengah dan Rendah, Pembangunan Ekonomi, Pengajian Tinggi dan Latihan Kemahiran, serta Sosial dan Sahsiyah.

"Saya percaya pelan ini akan menjadi satu garis panduan cukup baik bagi Felda melaksanakan tanggungjawab menguruskan generasi



KERJASAMA...Isa menyaksikan pertukaran dokumen antara Dr Husaini (kiri) dan Faizoull.

baru seperti hasrat Perdana Menteri yang sebelum ini turut mengarahkan kita melaksanakan lima teras yang satu daripadanya adalah menguruskan generasi baru Felda.

"Apabila pelan ini siap, kami akan guna sebagai panduan, malah saya percaya dengan kepakaran yang ada di UPM mungkin dapat mengemukakan cadangan ter-

baik bagi kita menguruskan Felda termasuk menambah baik dari segi pendidikan, sosio ekonomi serta pengurusan ladang yang baik," katanya pada Majlis Menandatangani Perjanjian (MoU) antara Felda dan UPM di bawah Makmal Kerjasama Kementerian Pengajian Tinggi (KPT) - Felda bagi pelaksanaan projek Model Pembangunan Baru Felda di

sini, semalam.

Beliau terdahulu hadir menyaksikan MoU itu yang ditandatangani Pengarah Urusan UPM Holding, Dr Husaini Omar dan Timbalan Pengarah Besar Pembangunan Komuniti Felda, Faizoull Ahmad yang turut disaksikan Timbalan Naib Canselor Penyelidikan dan Inovasi UPM, Prof Datuk Ir Dr Mohd Saleh Jaafar.